

मार्निंग डोगरी न्यूज़ बुलेटिन,

समा. 09.20 Hrs



Headlines

1. प्रधानमंत्री नरेन्द्र मोदी होंरें जम्मू-कश्मीर आसेया पैहली बारी रणजी ट्रॉफी दा खिताब जितने दी उपलब्धि दी सराहना कीती ऐ। केन्द्री मंत्रियें ते क्रिकेट दे दिग्गजें बी इस ऐतिहासिक उपलब्धि पर मुबारकबाद दिती ऐ।
2. लैफ्टिनेंट गवर्नर मनोज सिन्हा होंरें रणजी ट्रॉफी च जम्मू-कश्मीर दी जित गी बेहतरीन पल करार दिंदे होई नौजवानें गी आखेआ ऐ जे ओह सख्त मेहनत दी बदौलत खेडडें च अपना उज्जवल भविकख बनान।
3. पच्छिम एशिया च भारत दे राजदूती दफ्तरें- भारती नागरिकें गी गुज़ारश कीती ऐ जे ओह एल्लै बने दे तनोतनी आले माहौल दे दरम्यान उं'दे आसेया जारी दिशा-निर्देशें दी पालमा करन।
4. जम्मू-कश्मीर अगले त्रंऊ बरें च 100 फीसद कारोबारी सुधारें दे अनुपालन दा लक्ष्य लेइयै चला करदा ऐ। मुख सचिव होंरें सरबंधत धडें दे सम्मेलन दे आयोजन दी जरूरतें पर जोर पाया ऐ।
5. ते रेलवे नै जम्मू संभाग च पार्सल मती तेज रफ्तार कन्नै इक थाहरा दुई थाहर पुजाने लेई किश टकोहदी थाहरें पर ट्रांस-शिपमेंट बवस्था दी मंजूरी दिती ऐ।



PM Greetings

प्रधानमंत्री नरेन्द्र मोदी होरें जम्मू-कश्मीर दी टीम गी रणजी ट्रॉफी जितने लेई मुबारकबाद दिती ऐ। टीम नै कर्नाटक दी टीम पर 633 रन्ज कन्नै जित दर्ज कीती। 67 बरे च एह पैहली बारी ऐ जिसलै जम्मू-कश्मीर नै एह खिताब अपने नाऽ कीता ऐ। केई सारे केन्द्रीय मंत्रियें- अमित शाह, पीयूष गोयल, नितिन गडकरी ते होरनें दुए जम्मू-कश्मीर दी टीम गी बदाई दिती। इसदे इलावा केई सारे दिग्गज खढारियें जियां सचिव तंदुलकर, Virendra Sehwag ते Rishabh Pant होरें बी टीम गी बधाई दिती।



LG Messages

जम्मू-कश्मीर दी टीम नै इतिहास च पैहली बारी रणजी ट्रॉफी अपने नां कीती ऐ। उपराज्यपाल मनोज सिन्हा होरें आखेआ जम्मू-कश्मीर लेई ओह समां बड़ा गै बेहतरीन रेया ऐ जिसलै प्रदेश दी टीम नै इस प्रतियोगिता दी ट्रॉफी अपने नां कीती। उपराज्यपाल होरें आखेआ जे खडढारियें जम्मू-कश्मीर दा मान बदाया ऐ ते मेद जाहिर कीती जे एह उपलब्धी जम्मू-कश्मीर दे युवाएं लेई प्रेरणा दा स्रोत बनौग। उनेंगी अग्गे बढने लेई एह उपलब्धी सहायक होग जे ओह बी खेड्डे दे क्षेत्र च बेहतरीन करी सकदे न। उपराज्यपाल होरें 2019 थवां प्रधानमंत्री नरेन्द्र मोदी हुंदे आसेया खेड्डे गी बढावा दिते जाने लेई कीते गेदे जत्नें दी सराहना कीती। उ'नें युवाएं गी आखेआ जे ओह लगातार मेहनत करन ते खेड्डे च जम्मू-कश्मीर गी होर अग्गे लेइयै जान।



Dy. CM Projects

उपमुख्यमंत्री सुरेन्द्र चौधरी हों PWD तैहत जम्मू-कश्मीर च तोढ़ चाढ़े जा'रदे प्रोजैक्टें पर सख्त निगरानी ते उन्दे म्यार पर तक्क रखने लेई गलाया ऐ। जम्मू च इक उच्च स्तह दी जायजा बैठक च उ'नें आखेआ जे घट्ट गुणवत्ता जा फही म्यार गी नेंई बनाई रक्खने- कम्म च चिर लग्गने ते होर दुई त्रुटियें गी दना बी नेंई बरदाश्त कीता जाग। उ'नें सौहगा कीता जे जेकर कोई Contractor इय्ये नेय्या कम्म करदा ऐ- तां फही उसी ब्लैक लिस्ट कीता जाई सकदा ऐ। उ'नें अफसरें गी हिदायत कीती जे ओह बार-बार नमां टेंडर जारी करने ते Contract पर लैते गेदे कम्मै गी अग्गे कुसै होर गी देने आहले इस चलन पर बी रोक लान। CRIF- नाबार्ड ते PMGSY तैहत जारी कम्मै दा उ'नें निरिक्षण कीता।



India Israel Advisory

पच्छिम एशिया च बने दे मौजूदा हालात गी दिक्खदे होई भारतीय दूतावास नै अपने नागरिकें गी सौहगा सतर्क रौहने ते एहतियात बरतने दी सलाह जारी कीती ऐ। इजरायल, ईरान, UAE, सउदी अरब, कतर, सीरिया, ईराक, फिलिस्तीन, कुबैत, बहरीन ते जार्डन च रौहने आहलें गी लोकें गी आखेआ ऐ जे ओ गैर जरूरी यात्रा नेंई करन ते घरें गै रौहन। इस सलाह च भारतीय नागरिकें गी आखेआ गया ऐ जे ओ जारी दिशा-निर्देशों दी पूरी संजीदगी कन्नै पालमा करन। भारतीय नागरिकें गी खबरें ते उत्थू दियें सरकारें दियें घोषणाएं पर तक्क रखने लेई बी आखेआ ऐ। अमरीका दे राष्ट्रपति डोनाल्ड ट्रम्प हुंदे आसेया ए आक्खे जाने जे ईरान दे धार्मिक लीडर अयातुल्लाह अली खामेनेई हुंदी मौत अमरीका- इजरायल दे हमलें च होई गेई ऐ मगरा ए

परामर्श जारी कीते गे न। परते च ईरान नै मिडलिस्ट च मिजाइलें ते ड्रोन राएं हमलें कीते न। इजरायल च भारतीय दूतावास नै दसेया ऐ जे कुसै आपात स्थिति च भारतीय नागरिक दूतावास कन्नै सम्पर्क करी सकदे न।



Prog. Announcement New

आकाशवाणी दे क्षेत्रीय समाचार एकांश जम्मू आसेया औंदी 3 मार्च गी “विश्व वन्यजीवन” ध्याड़े दे मौके पर दपैहरी 12 बजे 25 मिनटें दी अवधि आला इक खास कार्यक्रम प्रसारित कीता जाहग। इस बशेश कार्यक्रम दा विशे-सार होग: “औषधीय ते खशबूदार पौधे- सेहत-विरासत ते आजीविका दा संरक्षण”। इस कार्यक्रम च साढ़े परौहने होडन, जंगलात मैहकमे दे असिस्टेंट कंज़रवेटर अमित शर्मा जेहड़े इस विशे पर अपने माहिराना बचार सांझे करडन। इस कार्यक्रम दी मेज़बानी साढ़ी न्यूज एंकर श्रुति खजूरिया आसेआ कीती जाहग।



EC –Eo DB

मुक्ख सचिव अटल डुल्लु होरें सबनें मैहकमें गी निर्देश दिते न जे ओह अगले त्रंऊ दिनें दे अंदर-अंदर जम्मू-कश्मीर च सरकारी कम्मकाज सरबंधी सुधारें दी 100 फीसदी पालमा जकीनी बनाने दे निर्देश दिते न। जम्मू च इक उच्ची सतह दी समीक्षा बैठक दी प्रधानता करदे होई उ’नें बपार-कारोबार दे तौर-तरीकें गी सखल्ला बनाने सरबंधी ढांचे दे तैहत विनियमन मुक्ति उपाएं दी बवस्थित ढंग्गे सिर शुरुआत लेई सरबंधत धड़ें दे इक सम्मेलन दे आयोजन दी

जरूरतें पर जोर पाया। उ'नें सार्वजनिक सेवाएं दी गरंटी सरबंधी कन्नू दे तैहत अधिसूचित सेवाएं दे पूरे डिजिटलीकरण दे कन्नो-कन्नी समूलचे प्रदेश च जिला बपार सुधार कार्य-योजना दी असरदार अमल-आवरी पर चेचा जोर दिता ऐ।



Parcel Services

जम्मू च पार्सल सेवा गी मता असरदार ते पारदर्शी बनाने दे इक महत्वपूर्ण फैसले दे तैहत रेलवे बोर्ड नै समर्पित पार्सल देने लेई तयशुदा थाहरें ते शिनाख्त कीते गेदे स्टेशनें पर ट्रांस-शिपमेंट गी मंजूरी दिती ऐ। इस गैह दे कन्नै पार्सल गी उन्दी तय थाहरें पर पुजाने च लग्गने आले समें दी बचत होग।



Holi Celebration

औंदी होली दे त्योहार गी दिक्खदे होई बजारें च खासी रौनक दिक्खी जा'रदी ऐ। बजारें च पर्यावरण अनुकूल रंग- मठाइयां ते होर दुआ समेयान थाहरें-थाहरें लब्भा रदा ऐ- जिसी लोक खास करी बच्चें चा-चा कन्नै खरीदा रदे न। प्रशासन नै लोकें गी अपील कीती ऐ जे ओह दिशा-निर्देश दी पालमा करन। आकाशवाणी समाचार कन्नै गल्ल करदे होई मुकामी लोकें अपनी खुशी ते उत्साह जारी कीता ते आखेआ.

जम्मू-कश्मीर च लोक हुन सुरक्षित ते पर्यावरण अनुकूल त्योहारें आहली भेठा बदा'रदे न। श्री गोकुल गौधाम उधमपुर दी मिसाल गी अपनांदे होई लोक रसेन थवां मुक्त रंगें दा इस्तेमाल करा'रदे न। इस बारे होर जानकारी दिंदे होई श्री गोकुल गोधाम दी मालिक Archana Devi होरें आखेआ.



COTPA-Kishtwar

किश्तवाड़ च जिला प्रशासन COTPA-2003 यानि सिगरेट ते दुए तम्बाकू उत्पादें सरबंधी अधिनियम तैहत अपनी कार्यवाही बधाई देग जेदे तैहत सार्वजनिक थाहें सिगट-बीड़ी शिक्कने पर प्रतिबंध पक्का कीता जाहग ते तम्बाकू मुक्त शिक्षा इदारें आहले मानदंडें दी सख्ती कन्ने पालमा कीती जाहग। डिप्टी कमिशनर पंकज कुमार होरें आखेआ जे जिले गी तमाकू थमां मुक्त करने लेई लागू करने आहिलियां टीमां बशेश करी स्कूलें ते कॉलजें दे आसे-पासे अपना कम्म करडन।

